




PANDUAN PERMOHONAN

SKIM LOGISTIK



PENSIJILAN HALAL MALAYSIA
(domestik)





TAKRIFAN SKIM

Skim perkhidmatan logistik bermaksud skim pensijilan yang ditawarkan kepada syarikat yang menjalankan perkhidmatan pengangkutan, penggudangan dan peruncitan termasuklah perkhidmatan penghantaran makanan

SYARAT DAN KRITERIA PERMOHONAN

- Memiliki Perakuan Pendaftaran Perniagaan yang masih sah daripada SSM atau Perakuan Pendaftaran Koperasi di bawah SKM atau Dokumen Penubuhan di bawah Akta Parlimen atau Kementerian masing-masing dan lain-lain agensi Kerajaan
- Memiliki lesen atau kelulusan daripada PBT atau surat pengesahan atau surat sokongan yang masih sah daripada mana-mana agensi Kerajaan
- Beroperasi sepenuhnya sekurang-kurangnya 3 bulan sebelum membuat permohonan SPHM bagi permohonan baharu
- Beroperasi sepenuhnya sekurang-kurangnya 1 bulan di premis baharu bagi syarikat yang berpindah lokasi
- Mengeluarkan atau mengendalikan produk halal sahaja termasuklah produk dagangan (*trading product*) serta mematuhi piawaian halal yang ditetapkan
- Membuat permohonan SPHM ke atas semua jenis produk yang masih dihasilkan di premis berkenaan

TIDAK LAYAK MEMOHON

- Produk yang tidak halal
- Syarikat yang mengeluarkan dan/atau mengedar produk halal dan tidak halal (termasuk perkhidmatan penghantaran makanan)
- Penggunaan jenama yang sama bagi perkhidmatan halal dan tidak halal (tertakluk kepada pemakaian di Malaysia)
- Perkhidmatan yang tidak memiliki standard atau garis panduan untuk dijadikan rujukan
- Penggunaan nama syarikat, produk dan jenama yang merujuk kepada produk tidak halal atau sinonim atau menyerupai dengan produk tidak halal atau apa-apa istilah mengelirukan seperti *ham*, *bak kut teh*, *bacon*, *beer*, *rum*, *hot dog*, *charsiew* dan seumpama dengannya
- Perkhidmatan yang boleh membawa kepada penyelewengan akidah, perkara khurafat dan penipuan

PEMROSESAN

Setiap permohonan di bawah Pensijilan Halal Malaysia (Domestik) dikenakan bayaran fi sebanyak **RM20.00** sahaja

BAYARAN FI MENGIKUT KATEGORI INDUSTRI

Setiap permohonan baharu dan pembaharuan akan dikenakan bayaran fi berikut :

KATEGORI		FI (RM)
INDUSTRI	NILAI PEROLEHAN TAHUNAN	
Mikro	< RM300,000.00	200
Kecil	RM300,000.00 - RM15 Juta	800
Sederhana	RM15 Juta - RM50 Juta	1400
Besar	> RM50 Juta	2000

PENGECUALIAN

MUIS berkuasa mengecualikan bayaran fi bagi mana-mana permohonan yang diuruskan sepenuhnya oleh mana-mana agensi kerajaan

KAEDAH PEMBAYARAN

- Syarikat/pemohon hendaklah membuat bayaran dalam tempoh **14 hari bekerja** setelah menerima surat caj melalui sistem MYeHALAL
- Kaedah pembayaran fi hendaklah dilakukan secara bayaran dalam talian (*online payment*), *QR Code* dan cek sahaja
- Pembayaran fi hendaklah dibuat atas nama Tetuan Majlis Ugama Islam Sabah
- Setiap pembayaran fi yang telah dijelaskan hendaklah dikeluarkan resit bayaran dan dikemukakan kepada MUIS
- Fi yang telah dibayar tidak akan dikembalikan dan tidak boleh dipindahkan ke permohonan lain
- MUIS berkuasa mengenakan fi tambahan sekiranya maklumat penentuan kadar fi yang dikemukakan oleh syarikat/pemohon adalah tidak tepat





Syarikat/pemohon hendaklah terdiri daripada logistik pengangkutan, penggudangan dan peruncitan sahaja termasuklah perkhidmatan logistik bersepadu (*integrated logistics services*) dan fasiliti rantai sejuk (*cold chain facilities*)



Syarikat/pemohon yang menyimpan barang-barang berduit hendaklah memiliki lesen penggudangan yang berkaitan daripada JKDM



Pengangkutan *container bulk*, *bulk liquid* dan pengangkutan umum kenderaan komersial yang digunakan dalam pengangkutan am (*general haulage and freight*), hendaklah didaftarkan dengan JPJ dan mendapatkan permit pengangkutan barang daripada agensi berkaitan di bawah MOT



Syarikat ejen pengiriman barang (*freight forwarding*) atau ejen kastam dan ejen perkapalan hendaklah mendapatkan lesen yang berkaitan daripada JKDM



Keperluan MS 2400-1:2019 *Halal Supply Chain Management System-Part 1 : Transportation-General Requirements (First Revision)*, MS 2400-2:2019 *Halal Supply Chain Management System-Part 2 : Warehousing-General Requirements (First Revision)*, MS 2400-3:2019 *Halal Supply Chain Management System-Part 3 : Retailing-General requirements (First Revision)* serta lain-lain perundangan terkini yang dikuatkuasakan oleh pihak berkuasa berkaitan hendaklah dipatuhi



Syarikat/pemohon yang menjalankan penyimpanan produk daging dan hasilan daging hendaklah memilih permit import daripada JPV



Syarikat/pemohon kategori peruncitan hendaklah terdiri daripada syarikat yang menjalankan pengedaran atau perdagangan produk dan peruncit makanan seperti kedai runcit, kedai serbaneka dan pasar raya



Maklumat pengangkutan, penggudangan dan peruncitan yang dimohon SPHM hendaklah diisytiharkan secara terperinci di dalam borang permohonan MYeHALAL



Syarikat/pemohon yang layak memohon skim ini adalah :

- Pengusaha pengangkutan (darat, laut dan udara)
- Pengusaha penggudangan
- Pengusaha peruncitan



Keperluan pekerja Muslim hendaklah dipatuhi dan MHMS hendaklah dilaksanakan secara berkesan dengan memenuhi elemen berikut;



INDUSTRI MIKRO

- Minimum 1 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- IHCS hendaklah dibangun dan dilaksana berdasarkan Manual MHMS 2020



INDUSTRI KECIL

- Minimum 1 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Penyelia Halal berjawatan tetap hendaklah dilantik di premis
- IHCS hendaklah dibangun dan dilaksana berdasarkan Manual MHMS 2020



INDUSTRI SEDERHANA & BESAR

- Minimum 2 orang pekerja Muslim warganegara Malaysia, berjawatan tetap hendaklah dilantik dan bertugas di kawasan pemprosesan sepanjang tempoh operasi atau syif
- Eksekutif Halal berjawatan tetap hendaklah dilantik di setiap cawangan premis
- JKHD hendaklah ditubuhkan bagi premis dan setiap cawangan premis yang mempunyai pengurusan operasi berbeza
- HAS hendaklah dibangun dan dilaksana berdasarkan Manual MHMS 2020

PENGANGKUTAN

- Keseluruhan rangkaian pengangkutan tidak boleh mengangkut dan mengendalikan sebarang bahan atau produk yang dikategorikan sebagai *najis mughallazah*
- Pengangkutan yang dipersijilkan halal hendaklah mengangkut dan mengendalikan produk halal sahaja
- Sistem pengesanan kenderaan hendaklah dibangun dan dilaksanakan secara efektif
- Pengangkutan yang dipersijilkan halal hendaklah dikenal pasti dan ditandakan dengan jelas
- Keseluruhan rangkaian pengangkutan bagi perkhidmatan penghantaran makanan hendaklah dipersijilkan halal
- Pekerja termasuklah pemandu tidak boleh membawa makanan atau minuman, haiwan dan apa-apa bahan tidak halal ketika bertugas

PENGGUDANGAN

- Keseluruhan kawasan premis tidak boleh menyimpan sebarang bahan atau produk yang dikategorikan sebagai *najis mughallazah*
- Lot yang dipersijilkan halal hendaklah menyimpan dan mengendalikan produk halal sahaja
- Sistem pengurusan penggudangan hendaklah dibangun dan dilaksanakan secara efektif
- Lot yang dipersijilkan halal hendaklah dikenal pasti dan diasingkan secara fizikal
- Penyimpanan bagi bahan atau produk yang dipersijilkan halal dan produk halal yang tidak dipersijilkan (di lot yang dipersijilkan halal) hendaklah diwujudkan pengasingan dan pelabelan yang jelas

PERUNCITAN

- Keseluruhan kawasan premis tidak boleh mengendali, mempamer dan menjual sebarang bahan atau produk yang dikategorikan sebagai *najis mughallazah*
- Permohonan peruncitan bagi kategori pengedar (*distributor*) dan pedagang (*trader*) hendaklah mengendali dan menjual bahan atau produk halal sahaja
- Permohonan peruncitan bagi kategori peruncit makanan hendaklah mengendali, mempamer dan menjual bahan atau produk halal sahaja di seksyen yang dipersijilkan halal
- Peruncitan makanan yang mengendali, mempamer dan menjual bahan atau produk tidak halal (kecuali *najis mughallazah*), seksyen tidak halal tersebut hendaklah mempunyai mekanisme kawalan yang berkesan meliputi :
 - Kawasan berasingan dan ditandakan dengan jelas
 - Penyimpanan berasingan dan ditandakan dengan jelas
 - troli atau bakul khusus di seksyen tersebut
 - Kaunter pembayaran khusus di seksyen tersebut
 - Dikendalikan oleh orang bukan Islam sahaja

PEMBAHARUAN

- Permohonan SPHM hendaklah dilakukan secara dalam talian (*online*) melalui sistem MYeHALAL di www.halal.gov.my/v4
- Permohonan pembaharuan SPHM hendaklah dikemukakan seawal 6 bulan dan selewat-lewatnya 3 bulan sebelum tamat tempoh SPHM
- Perohonan pembaharuan SPHM yang telah tamat tempoh hendaklah dikategorikan sebagai permohonan baharu
- Syarikat/pemohon hendaklah merujuk keperluan pengisian borang permohonan MYeHALAL dan keperluan yang berikut;
 - a) Sebarang pengemaskinian maklumat berkaitan nama produk dan jenama hendaklah mengemukakan makluman rasmi kepada MUIS
- Permohonan yang tidak lengkap serta tidak mengikut skim dan kategori Pensijilan Halal Malaysia yang betul akan ditolak oleh MUIS
- Permohonan akan diuruskan oleh MUIS berdasarkan skim Pensijilan Halal Malaysia dan alamat pengilang. Syarikat/pemohon boleh mengetahui pegawai yang menguruskan permohonan berdasarkan maklumat yang tertera di akaun pengguna sistem MYeHALAL
- Syarikat /pemohon tidak dibenarkan membuat permohonan pertukaran pihak berkuasa berwibawa yang menguruskan permohonan SPHM
- Dokumen sokongan yang lengkap hendaklah diserahkan kepada MUIS (seperti yang dinyatakan di dalam sistem MYeHALAL pemohon) dalam tempoh 5 hari bekerja setelah borang permohonan MYeHALAL dihantar secara dalam talian (*online*)
- Bayaran fi hendaklah dijelaskan dalam tempoh 14 hari bekerja setelah menerima surat bayaran fi
- Pengauditan lapangan akan dijalankan setelah bayaran fi diterima oleh MUIS

PENAMBAHAN

- Penambahan produk dalam permohonan tidak terbuka untuk skim perkhidmatan logistik

PENGGABUNGAN

- Mana-mana permohonan penggabungan SPHM hendaklah diklasifikasikan sebagai permohonan baharu
- Permohonan penggabungan SPHM yang masih sah atau baharu (jika berkaitan) dibenarkan bagi skim produk makanan dan minuman
- Permohonan penggabungan SPHM hendaklah dikemukakan dalam tempoh 6 bulan sebelum tamat tarikh pensijilan
- Penggabungan SPHM hendaklah melibatkan kesemua produk pada SPHM yang masih sah
- Permohonan penggabungan SPHM hendaklah disertakan bersama surat iringan yang jelas menyatakan butiran permohonan terdahulu
- Prosedur permohonan penggabungan SPHM hendaklah mengikuti prosedur Pendaftaran Baharu
- SPHM yang masih sah hendaklah terbatal sekiranya permohonan penggabungan berkenaan diluluskan oleh MUIS
- SPHM yang telah dibatalkan hendaklah diserahkan kepada MUIS